



Boletin number 3

Fecha importante den e simannan binidero:

Djabièrnè 26 di novèmber	Dia di estudio (muchanan ta liber)
--------------------------	------------------------------------

Maestronan ousente

Na e momentunan akí tin un kantidat remarkabel di maestro ku ta ousente. Tin tres kolega ku lo no t'ei pa un periodo mas largu, algun kolega ku mester keda kas pa motibu di Covid-19 i regularmente tin koleganan ku mester ta na kas pa warda riba resultado di nan tèst. Tin biaha esaki ta rekerí hopi di nos organisashon pa por regla remplaso pa gruponan. Pues por ta e kaso ku den un siman, bo(so) yu por tin diferente otro maestro den su grupo. I na momentu ku no por hasi nada otro, nos lo ta obligá pa duna e grupo, un dia liber si nos no por regla un remplaso denter di e organisashon.

Ta buska: miembro nobo pa MR!

Pa motibu ku un miembro (un mayor) ta sali for di e Hunta di partisipashon (medezeggenschapsraad) nos ta buskando otro un mayor òf tutor entusiasamá pa forma parti di e hunta akí. Tur mayor i tutor ku tin un yu ta bishitá e skol akí for di e aña eskolar 2021-2022 por bira un kandidato. Si bo ta gusta pensa i deliberá tokante asuntunan di maneho na skol, por registrá via e siguiente adrès elektróniko i manda bo karta di motivashon na: mr@bsdepelikaan.com. Den kaso ku bo(so) ta deseá mas informashon òf bo tin pregunta, por dirigí bo(so) mes na Marijke Simmons òf Patricia Gerritzen-Veen.

Un saludo kordial,

Hunta di partisipashon BSP

Ousensia

Nos ta ripará durante di e aña eskolar ku regularmente alumnonan ta yega skol lat. Nos ke rekordá mayor, ku mester trese e yu entre 07.10 'or i 07.30 'or. Pa 07.30 'or e maestro ta kuminsá ku lès. Na momentu ku trese e yu lat na skol, esaki ta stroba e grupo. Tambe bo(so) yu ta pèrdè lès na momentu ku e bini skol lat.

Den kaso ku bo(so) yu ta malu i ta disidí pa tene e yu na kas, nos ke pidi pa por fabor pone nos ta altura di esaki promé ku 8.00 'or di mainta via telefòn òf email. E number di telefòn ta 717 4301, e adrès elektróniko ta info@bsdepelikaan.com.

Na momentu ku tin ekseso di ousensia, nos ta obligá pa notifiká esaki na e funshonario di enseñansa obligartorio.



Rekordatorio

Na komienso di e siman akí a manda un email pa por inventarisá kua alumnonan di bs De Pelikaan tin ruman chikitu ku mester kuminsá ku skol básiko pa promé biaha den e aña eskolar 2022-2023. Nos ke rekordá bo(so) pa por fabor, manda e informashon nesesarío promé ku djárasón 10 di novèmber proóksimo via email.

Siman di buki pa mucha

Otro siman ta kuminsá ku Siman di buki pa mucha akí na Boneiru, nos tambe lo partisipá na esaki. E tema di e aña akí ta: “Bira loke bo ke”. Ku e tema akí e organisashon ke enfatisá ku buki ta brinda e muchanan espasio pa fantasiá riba loke nan ta deseá di bira, independientemente kua limitashon por tin na esaki den bida real. Den e siman akí lo drecha un kashi di buki den tur klas. Akiden e muchanan por pone un (òf mas) buki for di kas ku nan a yega di lesa kaba. Tin e posibilidat pa interkambiá e buki akí ku un otro buki for di den e kashi i bai ku e otro buki akí kas.

Tambe nos lo apresia si bo(so) ke bin un dia den kla spa konta algu di bo profeshon of pa bin les for di un buki di bo propio eskoho durante ora di kome. Mayor nan por duna nòmber serka maestro di e yu.

Disfrutá di e lesamentu!

Kòmbersashon tokante desaroyo

Riba djamars 23 di novèmber i djaweps 25 di novèmber lo tin kòmbersashonnan tokante desaroyo. Durante e kòmbersashon akí lo deliberá tokante kon ta bai te ku awor akí ku bo(so) yu den klas. E yu lo no haña un rapòrt. Durante e kòmbersashon, mayor lo por mira e sifranan di e yu, pero e énfasis di e kòmbersashon ta riba e kresementu / desaroyo i aktitut general di e yu den klas. E kòmbersashonnan tokante desaroyo ta opshonal. Por registrá serka e maestro na porta di klas òf via email, tokante di esaki, mayor lo risibí un email pronto di e maestro di klas di e yu. Mayor di alumnonan den grupo 8, sí ta keda kordialmente invitá pa papia tokante resultado di e pruebanan IEP.

Crossfit

Alumnonan den grupo 7 ku 8 tin e oportunidat pa partisipá na un klínika “CrossFit”. E klínika akí ta tuma lugá na CrossFit Palms (banda di Ocean Oasis). E muchanan ta hasiendo hopi ehersisio te ku awor i nan ta gosa hopi!



Guia di Interakshon ku Vidio

Den kuadro di profeshonalisashon di nos ekipo, nos a kuminsá ku grabashon den diferente grupo. Guia di Interakshon ku Vidio ta un método pa guia maestronan kaminda ta hasi grabashonnan kòrtiku di vidio den e grupoku e meta pa duna guia na e maestronan ku nan tareanan den klas. Solamente lo usa fragmetonan kòrtiku di e grabashon. E punto di salidanan importante ta: e ambiente den klas, yudansa na alumnonan individual, e manera ku e grupo ta traha, e forma ku e maestro ta duna lès. Ta diskutí tokante e grabashonnan di vidio ku e maestro(nan) i huntu ku e guiadó ta analisá kon sierto kosnan ta kana den klas i kon posiblemente por mehorá esakinan. Ta mas ku klaro ku e imágennan lo ta eksklusivamente pa uso interno i no pa mustra na un tersera persona. Despues di finalisá e trayekto di guia, lo eliminá e imágennan.

Den kaso ku mayor ta preokupá tokante e privasidat di e yu, por tuma kontakto ku Linda Maas. E ta e guiadó di nos skol. Por lokalísá e guiadó via email: linda.maas@bsdepelikaan.com.

Un saludo kordial,

Mieke van Vliet i Gerald Kolenbrander
Direktiva di bs De Pelikaan